

(清)傅澤洪、黎世序等主編 謝元慶、俞正燮等纂輯

行水金鑑 續行水金鑑

(附分類索引)



行水金鑑 續行水金鑑

（附分類索引）

（清）傅澤洪 黎世序等 主編 鄭元慶 俞正燮等 纂輯

16

續行水金鑑卷第四十五

河水 工程一

北岸河南河北道屬黃沁廳今按沁河向設通判一員專管丹沁諸河康熙年間懷慶府屬武陟縣黃河向無專員管理雍正二年副總河嵇曾筠奏添懷慶府黃河同知專管武陟縣澤二縣境內黃河北岸河務乾隆七年總河白鍾山請裁沁河通判將原管武陟河內二縣沁河兩岸民修隄工及丹河等水利泉源歸於該府糧捕道判其武陟木欒店歸工改歸黃河同知就近兼管名黃沁同知五十二年與南岸睢寧通判互易仍改同知爲通判嘉慶十年復與睢寧互易仍改街爲同知乾隆四十九年將上北廳原管之原武汛隄三十七里零撥歸黃沁廳管轄並添協辦守備一員至今因之同知一員協備一員管理武陟縣境內沁河木欒店埽工並武陟榮澤原武三縣境內黃河北岸隄埽工程除沁河隄工向係民修外其黃河隄工西自沁河

北隄尾黃河遙隄頭起東至上北衛糧廳屬陽武汛
上界止臨河隄長一萬四千五百十五丈設兵一百
八十六名堡夫二百三十一名又武陟縣乾隆十七
年所築攔黃民堰內唐郭莊處所嘉慶二十一年搶
築埽壩奏將有工之處交黃沁廳修守其餘土堰仍
令該縣督民經理爲汛三曰武陟汛曰滎澤汛曰原
武汛今按沁河發源於山西沁源縣穿太行山出濟源縣至河內縣東始有隄堰歷係民築民修下
經武陟縣東以入於河在河內縣境長七十里有大
小丹河水來合歸河內縣縣丞經管在武陟縣境北
堰西白河內界起東至黃河遙隄頭止長七十里南
堰至護城隄止長五十五里歸武陟縣主簿經管雍
正四年添設專管沁河內北岸木欒店埽工長四百
九十六丈於乾隆元年二月奉
縣木欒店沁河隄工官爲修守沁河入黃之處向在
馬營迤上釘船幫嘉慶二十四年武陟汛九堡獲隄

漫缺水由馬營壩東注遂建攔沁壩提渠引沁歸黃
現在仍由釘船幫地方入黃孟縣在溫縣之西河內
縣之東距黃河不遠而無隄防有名小金隄者乃民
築民修之工乾隆元年正月奉
上諭將孟縣

地方小金隄勘估委員承修至十

七年仍歸百姓防守皆詳章牘

武陟汛縣丞一員
今按舊管沁黃二河工程乾隆七年改令專管黃河隄工武榮

汛把總一員武陟分防外委一員

今按兼管攔黃壩專管武

陟縣黃河隄工西自沁河北隄尾起東至滎澤汛上

界止隄長六千三百三十四丈

今按遙隄至樓隄頭止長三千三百五十

一丈樓隄頭至滎澤界止
長二千九百八十三丈

雍正元年創武陟縣沁

河隄頭起至滎澤大隄止遙隄十八里

大清會典今按行水

金鑑載黃河北岸樓隄起於滎澤然則滎澤以西武
陟境內康熙年間尚無修守隄工而康熙六十年八
月河決武陟縣之舊家店馬營口魏家口夫日決口
則有隄矣或本有民堰而非官守耳雍正元年創築

黃河全圖卷之三

河水二

遙隄武陟境內始有修守

武陟縣之西南有乾隆十七年民築

攔黃堰一道西接青峯嶺起東抵沁河南堰尾止長四千六十一丈向係民修嘉慶二十一年河勢北趨唐郭莊一帶刷灘潰隄搶築埽壩總河葉觀潮護理巡撫吳邦慶奏准改歸黃沁廳營督汛修守該隄四千六十一丈除鑲埽之處土埽工程歸廳管理其餘無工處所土堰仍令官爲設立長夫分堡巡防照舊民堰民修此工不在纓隄之內而歸該汛修防故另列敘 攔黃壩嘉慶二十一年原築裏頭護埽挑壩埽工三段長一百四十五丈二十二年接鑲空檔埽工三百六十七丈五尺又築六壩一道長四十四丈

二十三年五六壩並空檔鑲埽長七十丈五尺又築
七壩一道長四十一丈鑲埽長三十一丈四尺二十
四年補鑲各壩檔埽長一百二十丈七尺仍在修守
河南通志康熙六十年八月河決懷慶府武陟縣
之詹家店馬營口魏家口並流直注滑縣東明長垣
等縣入運河將張秋迤南趙王河口對岸漫溢由五
孔橋入鹽河下海巡撫楊宗義率河官堵築九月九
日塞詹家店魏家口其馬營決口總河趙世顯率領
江南各營弁椿埽手與民夫協同巡撫在李先鋒莊
建壩堵築適

欽差都御史牛鈕翰林院侍講齊蘇勒至傳諭

卷四十五 金鑑卷四十五

三

聖訓在釘船幫支河口兩岸捲下棚黃埽壩十一月十二日合龍卽於南壩尾接築子堰一道至秦家廠止而李先鋒莊亦於十二日合龍馬營口於二十九日合龍六十一年正月十九日凌晨漲釘船幫南壩尾新堰漫決二十餘丈又將新築越隄衝斷水由李先鋒莊壩下直逼馬營口隄決開二十餘丈水深溜急無可堵塞署總河陳鵬年建議於廣武山下王家溝挑挖引河使水由東南會入滎澤舊縣前入正河又於沁河口東建挑水壩一座水勢始平於十二月堵塞築馬營口大越隄一道西白詹家店新築隄頭起東至滎澤大隄止又築滎澤大隄以爲遙隄六月初四

日沁水暴漲衝塌秦家廠北壩臺八丈南壩臺九丈五尺釘船幫大壩蟄陷四十五丈幸王家溝引河刷寬一百餘丈全河盡注不侵馬營決口總河陳鵬年巡撫楊宗義於廣武山官莊峪挑引河一百四十餘丈以殺水勢至九月秦家廠南壩甫合龍次日又將北壩尾決開一百餘丈大溜歸馬營口亦漫開八丈底埽未動至十二月八日塞訖總河齊蘇勒奏秦家廠雖合龍斷流現今細水透露正在搶救但細看情形地勢卑窪非宜建壩之區况兩岸無倚孤立於巨浸之中勢甚危急故必恃前後有助方能善後宜急築背後土隄以斷其流多下護埽邊埽以敵其衝使

前後有恃併力扞禦此一定之法也臣目覩危急不敢遽赴新任隨會撫臣楊宗義帶同管河道等官先治其急星夜將秦家廠攔河大壩加鑊高厚將馬營口衝斷之處於水中接合兩頭因時迫勢急設法挖凍趕修以防春汛餘俟春和次第修理雍正元年二月總河齊蘇勒奏前月雖接隄斷流大溜全歸正河尤宜於馬營口一帶將舊隄普律加高培厚於後面添築撐隄一道格隄一道以爲重門保障又將秦家廠前草壩前面下埽簽厝層層鑊墊以防頂衝之患再於後面築靠隄越隄俾有倚恃之固今已完工其建築十八里之遙隄

今按是隄卽武陟縣境起於沁河隄尾止於榮澤大隄並

趙莊詹店等處埽壩現今人夫協力數日卽完但新築各項隄埽應設堡夫防守河南向無額設樁手埽手凡遇工程俱現雇土人做法顛倒臣於南工選干總二員率領諸練河兵八十名暫駐工所以防伏秋兩汛以便教習土人按法修防庶無貽悞六月沁黃交漲由姚其營漫灘而出水與隄平決梁家營二鋪營土隄及詹家店馬營越隄接連滌澤之遙隄格隄漫塌八處由原武舊河身流至七十餘里遇高阜之處而止

欽命大學士張鵬翮前往會同侍郎嵇曾筠巡撫石文焯總河齊蘇勒協力修築於七月塞之二年於釘船

卷四十五

三

幫北壩尾直對姚其營北首接築隄工一道長八百七十五丈秦家廠越隄內填實周長三百七十丈加幫秦家廠北壩尾隄長七百一十三丈加幫秦家廠靠隄並南壩尾隄長九百九十一丈幫詹家店並馬營口隄長二千六百餘丈幫馬營口格隄長一百九十三丈又加幫縷隄自沁河隄頭起至榮澤大隄止長五千八百六十一丈又馬營口詹家店後接築格隄二道共長七百四十三丈兵部侍郎嵇曾筠奏沁黃交會姚其營秦家廠一帶皆屬頂衝此係下流受患其上流必致患之由臣由武陟至孟縣所屬皆有沙灘將大溜逼趨南岸至倉頭對面又橫長一灘

自北岸伸出使全河之水直趨廣武山根以至土崖
汕刷至官莊峪則大溜又爲山嘴所挑直注東北於
是姚其營秦家廠遂爲頂衝矣應於倉頭對面所長
橫灘開引河一道直接中泓俾水勢順流由西北徑
達東南不致激射東北則姚其營秦家廠可免頂衝
之患再釘船幫大壩甚屬有益但孤立水濱惜少輔
佐須鑲雁翅以資幫護更於大壩上下相度地勢添
建挑水壩二三座挑溜開行庶秦家廠頂衝之勢可
減壩工賴以永固遂築姚其營秦家廠雁翅各一座
東西挑水壩二座倉頭對面引河六百三十丈

今按釘船

幫以下各隄工懷慶府志所載並同

乃於四月以兵部侍郎嵇曾筠爲

黃丁水金鑑卷四十五

河水

副總河駐劄武陟縣專管河南河務 馬營壩埽工

長一百六丈秦家廠埽工長一百八十丈皆乾隆二

十六年築旋於嘉慶九年至十四年秦家廠埽又復

出旋又淤閉

今按馬營口秦家廠釘船幫等處雍正初屢溢屢堵復漸平堤乾隆二十六年

復於馬營壩秦家廠修築埽工考之續河南通志載是年七月十七日至十九日大風雨沁黃並漲北岸

武陟滎澤陽武祥符四汛漫缺內外堤工十五處因南岸楊橋奪溜大河乾涸次第修補完固嘉慶二十

四年馬營壩溢缺凡附近舊有隄壩全爲衝刷無存現在情形有就舊隄復繕完固者有從新創建者非

復曩時形跡矣又按嘉慶二十四年八月沁黃並漲先因沁河南岸原村民堰漫缺旁洩沁黃交匯處

淤成平陸致漲水不循舊道南注黃河轉就河灘低處沿隄東下縷隄九堡馬營口遂於十七日漫開時

下游蘭陽八堡先已漫缺尙書吳璣巡撫琦善駐被籌堵於是總河葉觀潮專駐工堵築並浚沁水入黃

之路九月初黃水復漲漫灘由低窪溝槽刷深成河通達沁溝由九堡口門匯流東注黃流全奪蘭儀缺

口遂得覽流經協辦大學士尚書吳璥侍郎那彥寶
總河李鴻賓巡撫琦善堵築勘定在進水河口安立
壩基盤頭與堵因河口至馬營壩口遠至三十餘里
地處上沙形成人袖乃爲力爭上游之法於切近大
河處築做大壩且於散放引河可期順暢於二十五
年三月十三日合龍計此築工程所用料二萬數千垛
浚河八百餘里爲匠來堵築漫工所未有也堵築漫
工案內築大壩三百二十七丈東西壩尾土堰至靠壩
中間止長一千二百五十二丈東大壩尾土堰至十
二堡下纓隄止長三千八百四十九丈二壩尾土堰至
六十八丈東壩尾土堰二百三十三丈西壩尾土堰三
百九十六丈挑水壩長九百一十丈壩基並壩至西壩大
壩尾堰止長三百七十八丈攔沁壩長七十九丈善後案
內補還馬營口纓隄又於南面築越隄一道西自六
堡上起東至十二堡下止長一千三百三十六丈南
面河身內鑿護壩二百九十丈又築秦家廠越壩九
百一十丈又按堵築馬營大壩在於進水河頭建立北距
馬營口三十餘里南距南岸廣式山根僅四百餘丈

榮澤汛主簿一員把總卽武陟汛兼管汛地西自武

續行水金鑑卷四十五

陟汛下界起東至原武汛上界止臨河隄長一千五百三十七丈今按榮原越隄三千三百三十九丈自頭堡至原武八堡止道光元年創築

六堡嘉慶八年鑲埽長四十丈二尺又二堡至八堡鑲防風長八百九十三丈八尺旋淤

原武汛主簿一員分防外委一員汛地西自榮澤汛下界起東至上北衛糧廳屬陽武汛上界止臨河隄長六千七百四十四丈 十三堡胡唐莊舊有埽工

久閉 朱家莊東越隄埽工久閉 迤東大挑水壩

一道 胡村鎮在今十五迤東隄頭村埽工久閉

劉務村在今陽武三堡埽工久閉 小灘谷堆在今陽武五堡埽工

久閉今按以上各處舊埽皆雍正時所建照河南通志圖繪錄敘黃沁廳冊今按黃河南北兩

岸工程各據各屬等冊並河南山

東江

南各志書分別載入下同

衛糧廳

今按開封府黃河北岸康熙時止設同知一員管理河務亦無河營守備雍正二年添設

同知一員分原管之汛地為二曰上北河下北河

北河同知分管原武陽武封邱三縣境內隄工七年

設懷河營守備純理北岸工程乾隆四十九年部議

省司二員協辦守備士公阿桂總河韓鑾等請添豫

省司二員協辦守備士公阿桂總河韓鑾等請添豫

黃沁廳管理以下北河所屬祥符汛隄三十七里零

隄上北經管陽武封邱祥符四汛嘉慶八年總

河府管糧通判管理各上北衛糧廳以祥符汛改歸衛

令上北同知管理改名祥符河復改上北都司為祥河

都司裁撤州上汛千總添設陽封協備專管上北衛

糧所屬工程至今因之

通判一員協辦守備一員經管陽武封邱二縣境內

黃河北岸隄埝工程西自黃沁廳馬原武汛下界起

續行水金鑑卷四十五

河才